

Pro concordia Fratrum Regularis Observantiae S. Francisci, Provinciae S. Joannis Evangelistae Insularum de Afleres.

ALEXANDER PAPA VII.

Ad futuram rei memoriam.

Exordium.

**I**N sublimi Sedis Apostolicae specula universi gregis Domini cura nostra divinitus commissi commodis jugiter invigilantes, illis quae pro tollendis diffidiis inter religiosos viros sub suavi religionis jugo Altissimi obsequiis mancipatos non sine Regularis Observantiae detrimento, & piorum offensione exortis rebus concordata, ac decreta, & ordinata sunt nonnunquam Apostolicae confirmationis nostrae patrocinium adjungimus, prout rerum, personarum, locorum, & temporum qualitate mature pensata conspiciamus in Domino salubriter expedire.

Motiva hujus Consilii.

§. 1. Cum itaque, sicut accepimus, ad componendas controversias in provincia S. Joannis Evangelistae in Insulis de Afleres nuncupatis consistente Ordinis Fratrum Minorum S. Francisci de Observantia nuncupatorum a quinque annis, vel circiter suscitatas concordia inter partes interesse habentes inita fuerit, ac eandem concordiam Venerabilis Frater noster Franciscus Episcopus Portuensis, Cardinalis Barberinus nuncupatus, S. R. E. Vicecancellarius, necnon dicti Ordinis apud Nos, & Sedem Apostolicam Protector, tam officii Protectoris hujusmodi, quam delegata sibi per Congregationem Venerabilium pariter fratrum nostrorum ejusdem S. R. E. Cardinalium negotiis, & consultationibus Episcoporum, & Regularium praepositam auctoritate confirmaverit, & approbaverit, variaque pro illius observatione decreta, & ordinationes ediderit, prout plenius continetur in literis ipsius Francisci Cardinalis desuper confectis, tenoris qui sequitur, videlicet.

Tenor Consilii emanatarum super controversiis Fratrum &c.

§. 2. Franciscus miseratione divina Episcopus Portuensis, Cardinalis Barberinus, S. R. E. Vicecancellarius, ac Ordinis S. Francisci Protector, Corrector, & Gubernator, &c. Omnibus, & singulis Fratribus, & Monialibus tam subditis, quam Praelatis cujuscumque qualitatis, & conditionis, omnibusque aliis quibus praesentes nostrae litterae ostense fuerint Provinciae S. Joannis Evangelistae Insularum de Afleres Regni Portugalliae praedicti nostri Ord. de Observantia salutem in Domino sempiternam. Noveritis pro parte, & ad instantiam dilecti in Christo Patris Fratris Antonii a Gratia Praedicatoris, & Ministri Provincialis electi ipsiusmet Provinciae, praesentatum fuisse memoriale quoddam Sanctissimo D. N. Alexandro VII. tenoris sequentis, videlicet.

Memoriale Fratris Antonii

§. 3. Beatissimus Pater. Frater Antonius a Gratia Praedicator, & electus Provinciae

Sancti Joannis Evangelistae Insularum de Afleres Regularis Observantiae S. Francisci deosculando pedes S. V. exponit, quod Frater Simon a Sancta Catharina antecessor suus, tempore opportuno petierit Visitatorem, & ipsum obtinuit a Patre Generali Fr. Petro Menero; qui Visitator ex variis impedimentis non accessit ad dictam Provinciam antequam triennium, ejusdem Provincialis excurreret. Hanc moram cum notaret dictus Provincialis ante sex mensium decursum (ultra tres annos) diffinitorium convocavit, ut in futurum provideret: cum hic casus esset expirationis, & non vacaturae, unanimiter resolutum fuit a diffinitorio praedictum Provinciale continuari debere usque ad accessum Visitatoris, & de omnibus rebus gestis informare Curiam Romanam: qui ita fecit, per suum procuratorem exquirendo remedia opportuna, continuando interea in regimine Provinciae pacifice per septem menses. His elapsis aliqui Religiosi opposentes se regimini praedicto, atque provocantes quemdam Patrem Didacum a Plagis, qui olim fuerat Vicarius Provincialis sub titulo Patris Dignioris, coegerunt illum, ut convocaret diffinitorium (tanquam in casu vacaturae), ad eligendum Vicarium Provinciale, in quo tamen ipsi Diffinitores non obediunt praeter unum postmodum in Vicarium Provinciale electum, & hoc a Diffinitoribus ab ipso convocante illegitime subrogatis, reclamante legitimo Provinciali, ac Diffinitoribus actualibus tunc propter violentiam in Conventu S. Augustini commorantibus. Ipse Vicarius Provincialis intrusus vi armorum, ac metu omnia sibi subigendum; Provinciam in sua potestate continuit, atque extracto e carcere Fr. Ferdinando a Conceptione, misit uti Procuratorem ad istam Curiam sub sigillo Provinciae noviter a se aperto: non obstantibus appellationibus, & censuris Provincialis legitimi, & Diffinitorum actualium. Provisum interea fuit de Provinciali legitimo a Sac. Congregatione die 3. Octobris 1653. ab Eminentissimo Protectore die 14. Novembris, a Sanctissimo D. Innocentio X. die 26. ejusdem Novemb. ipsius anni pro continuatione sui Officii, & aliorum Praelatorum respective per integrum annum, confirmando etiam dictum Visitatorem ad visitandam Provinciam, & celebrandum Capitulum: his decretis nolentes obedire intrusi, neque audire illa, male tractarunt Notarios, atque alios Ministros intimantes, & non obstante clausula Brevis expressa (postposita appellatione) ab illa appellarunt, suspensionemque ipsi Visitatori fecerunt intimare, qui respondit se non posse reculari tanquam suspectum quoad Visitacionem generalem, sed solum quoad particularem (si coram arbitris probassent) & contra ipsos fulminavit censuras usque ad declarationem per sententiam: & cum jam visitare coepisset Provinciam in Conventibus obedientibus decretis

nisi a Gratia Praedicatoris, & Ministri Provinciae ipsiusmet Provinciae.

cretis supradictis, ac legitimo Praelato, accidit quod die 14. Julii anni 1654. ei fuit intimatum decretum Sac. Congreg. dat. die 19. Martii ejusdem anni, derogans Breve, & Decreta prorogationis dicti Provincialis legitimi, assecutum a dicto Ferdinando Procurat. intrusi, qui in supplica allegavit Procuratorem Provincialis legitimi non fecisse mentionem electionis dicti Vicarii Provincialis intrusi (cum tamen hoc ei fuisset impossibile, nam a Curia Olyssiponensi profectus est Romam, die 10. Junii anni 1653. & in die 13. ejusdem Junii facta fuit talis electio in Insula tertia, quae distat ab ipsa Olyssipone per trecentas leucas maris) narravitque verum in supplica, virtute cujus expedita fuere decreta, & Breve prorogationis Provincialis, & confirmationis ipsius Visitatoris; qui respondit tale decretum nihil locutum fuisse circa Visitatorem removendum, & ad tutius respondendum petiit videre ipsum decretum; quod tamen a Judicibus exequutoribus ei fuit denegatum, idque contigit Provinciali prorogato intimato die 15. Julii, qui simul cum Visitatore appellavit ante omnia, & post omnia ad Sanctam Sedem Apostolicam: tunc Visitator fecit citare omnes vocales Capituli (modo quo potuit) & brevi temporis spatio fama pervolavit per totam Provinciam celebrationis Capituli, & cum jam ipse Visitator exerceret officium Praesidentis Capituli in mensa diffinitionis, illud primum decretum, & aliud de novo adveniens derogans Visitatorem fuerunt simul intimata illi die 12. Augusti, narrabatque Judex executor Oduardus in literis suis tale decretum fuisse datum a Sacra Congregatione sub die 14. Novembris anni 1653. dies quidem in qua ipsa Sacra Congregatio per suum decretum confirmavit ipsum Visitatorem, & in qua dictus Ferdinandus Procurator intrusi erat captivus in Argel: cui intimationi respondit ipse Visitator quod Notarius cum testibus adhiberet fidem intimationis decretorum facta in mensa Capitulari, ubi ut Praesidens, & non ut Visitator exercebat suum munus, & quod nullum duorum decretorum habebat clausulam derogatoriam officii Praesidentis Capituli, quod est valde distinctum ab officio Visitatoris: praeterquam quod utrumque decretum esset obreptitium multis de causis, quapropter ab ipsis appellavit ad Sanctam Sedem: postea die assignata quae erat 15. Augusti anni 1654. celebravit Capitulum cum decem suffragiis quae solum congregare potuit, elegitque ipsum Oratorem Fr. Antonium a Gratia in Ministerium Provinciale, fecitque omnes Guardianos, & omnia acta capitularia, defecitque a visitatione propter redimendam vexationem, appellavitque contra omnes nominationes Provincialis, & Diffinitorum si forte Romae fierent ab aliquo Superiore, quod etiam fecit dictus Orator Provincialis noviter electus, qui misit Procuratorem in istam Curiam ad confirman-

Bull. Rom. Tom. VI. Par. IV.

dum Capitulum, qui cum pervenisset ad Olyssiponem invenit ibi nominationes factas Provincialis, & Diffinitorum per Eminentissimum Protectorem virtute cujusdam decreti Sacrae Congregat. dati die 27. Augusti 1654. nescientis accessum Visitatoris ad illam Provinciam, & celebrationem Capituli die 15. ejusdem Augusti: invenit etiam literas patentes dicti Eminentissimi Protectoris confirmantes electionem Vicarii Provincialis intrusi: omnia assequuta a D. Ferdinando, & etiam confirmationem ipsius nominationis in forma speciali a Sanctissimo D. Innocentio factam; & cum non potuisset venire Romam oppressus vi decreti Regii, obedit ipse Provinciali nominato, fecitque cessionem obedientiae; & similiter fecit coactus ipse Orator, tradiditque sigilla, & libros Provinciae Secretario ipsius nominati Romae, non tamen destitit ab appellationibus. Interim Provincialis nominatus repente decessit, & statim dictus Didacus a Plagis usurpando sibi dignitatem dignioris Patris Provinciae (excludendo ipsum Simonem a S. Catharina digniorem Patrem Provinciae tanquam excommunicatum) convocavit Diffinitores nominatos Romae, elegitque Vicarium Provinciale Fratrem Simonem a Plagis, fecitque solemne Capitulum absque Praesidente, absque digniore Patre Provinciae, & absque autoritate, deditque omnia officia suis sequacibus, non admittendo ad illa aliquem ex tabula Capituli dicti Oratoris, imo incarcerando, vapulando, & exulando omnes, ipse Vicarius Provincialis intrusus causat maximum scandalum in tota Provincia, insulis, & Regno. Cum vero ad aures ipsius Oratoris Fratris Antonii a Gratia pervenisset notitia illius intrusi Vicarii Provincialis, & sui nulli Capituli, ratificavit appellationes suas coram probo viro, & venit in hanc Curiam. Supplicat proinde S. V. quatenus dignetur committere hoc negotium Eminentissimo Protectori, vel alteri cui magis placuerit, ut (auctoritate Apostolica) attentis narratis, & auditis partibus confirmet suum Capitulum canonice factum, declarando nullam primam electionem dicti Vicarii Provincialis intrusi Fr. Christophori a Conceptione, & etiam secundam dicti Simonis a Plagis, & ipsius nulli Capituli, vel provideat ex aliquo alio remedio opportuno illam Provinciam in miserrimo statu positam, ad stabilendam pacem, & fraternitatem inter Religiosos illius, ut digne, & laudabiliter Deo serviant, & pro S. V. continenter orent. Quam Deus, &c. Fr. Antonius a Gratia Minister Provincialis.

Quod quidem memoriale fuit remissum ad Sacram Congregationem, ipsaque Sacra Congregatio per decretum suum datum die 28. Aprilis anni 1656. iussit exhiberi acta Capitulorum, cui cum satisfactum fuisset per aliud decretum expeditum diei Maii, Nobis commisit negotium, ut videremus, & referremus. Nos igitur convocatis

Remittitur ad S. Congreg.

Q 2

catis partibus, scilicet P. Francisco ab Al-  
fio Procuratore Patris Simonis a Plagis,  
& Definitorii sui, & omnium fratrum sue  
partis cum plenitudine potestatis, prout  
alias latius continetur in publico mandato  
procuræ per nos viso, ad quam, &c. Dicto-  
que Procuratore, ut supra constituto una-  
cum dicto P. Antonio a Gratia pluries su-  
per omnibus, & singulis in dicto memoria-  
li contentis convenientibus, dicti Procura-  
tores, & respectu dictus P. Antonius a  
Gratia nominibus prædictis pro bono pacis,  
dictæ Provincie unitate, & tranquillitate  
illius, & ad omnem alium meliorem fi-  
nem, & effectum magis utilem, & profi-  
cium fecerunt concordiam coram dicto  
P. Procuratore Generali, ab ipso, & ipsis  
subscriptam die 20. Maii, tenoris sequen-  
tis, videlicet.

Concordia  
inita.

Concordia inter P. Fr. Antonium a  
Gratia Prædicatorem, & Ministrum Pro-  
vincialem electum Provincie S. Joannis  
Evangelicæ Insularum de Afores Regni  
Portugallie; & P. Fr. Franciscum de Al-  
fio Prædicatorem; & Procuratorem cum  
plenitudine potestatis P. Christophori a  
Conceptione, P. Simonis a Plagis, & om-  
nium Definitorum, & Fratrum sue partis  
in præsentia admodum R. P. Procuratoris  
Generalis die 20. Maii ad stabilendam pa-  
cem perpetuam, & compositionem illius  
Provincie. In primis quia Provincia est di-  
visa in duas partes, & unaquæque illarum  
habet pro se literas patentes Eminentissimi  
D. Protectoris, decreta Sacre Congrega-  
tionis, & Brevia confirmationis illorum ad  
compositionem, & pacem perpetuam illius  
Provincie, unusquisque renunciat jus, quod  
habet, & habere potest, & quod habent, &  
habere possunt sui constituentes ad talia  
Brevia, decreta, & literas patentes, & ex  
communi consensu petunt quod ponatur in  
dictis Brevibus, decretis, & patentibus li-  
teris perpetuum silentium, incipiendo a die  
completionis triennii P. Simonis a S. Ca-  
tharina usque ad præsentem diem, sive Bre-  
via, decreta, & litera patentes pertineant  
ad electiones, nominationes, prorogatio-  
nes, & confirmationes Prælatorum illius  
Provincie, sive ad quascumque privatio-  
nes, sententias, suspensiones, & exemptio-  
nes omnium Fratrum illius, tam in com-  
muni, quam in particulari: Et quia virtute  
supradictorum decretorum factæ fuerunt  
ex utraque parte aliquæ electiones, & no-  
minationes Prælatorum, ad evitanda scan-  
dala, & stabilendam pacem: Petunt quod  
annullentur omnes illæ tres electiones factæ  
in illa Provincia a die primæ convocatio-  
nis P. Didaci a Plagis usque adhuc; Et etiã  
ut annullentur nominationes factæ Provin-  
cialis defuncti Fr. Hieronymi de Sardoal  
Custodis, & Definitorum, revalidando ta-  
men omnia acta spiritualia facta ab ipsis ele-  
ctis, & ab ipso nominato, nempe ab ipso  
Christophoro a Conceptione, ab ipso An-  
tonio a Gratia, ab ipso Simone a Plagis, &  
ab ipso Hieronymo de Sardoal nominato,  
& defuncto: annullando tamen omnes sen-

tentias, & processus ab ipsis, vel a quolibet  
ipsorum datas, seu fulminatas, vel pro-  
cessatas, dandas seu fulminandas, vel pro-  
cessandas contra quoscumque Fratres, &  
Moniales illius Provincie, qualiscumque  
qualitatis, & conditionis, a die completio-  
nis triennii P. Simonis a S. Catharina us-  
que ad accessum istius concordie ad dictam  
Provinciam. Et ponendo perpetuum silen-  
tium in excessibus transactis circa obedi-  
entiam dictorum Prælatorum, & Patris Visi-  
tatoris Fr. Antonii a Trinitate. Petunt ex  
consequenti novam nominationem Pro-  
vincialis, & Definitorum, dimidiando  
Mensam capitularem, nominando in Pro-  
vincialem ipsum P. Antonium a Gratia,  
Prædicatorem cum duobus Definitoribus  
ex sua parte, nempe Fr. Antonium a Sal-  
vatore, & P. Antonium de Padua Prædi-  
catores; Et ex alia parte in Custodem P. Fer-  
dinandum a Conceptione Lectorem Theo-  
logie cum duobus Definitoribus, scilicet  
P. Franciscum a Plagis Prædicatorem, &  
P. Petrum ab Annunciatione Confessorem  
pro Recollectis; suppleudo in omnibus  
quoscumque defectus, tam juris, quam fa-  
cti, seu personæ, & absolvendo illos a qua-  
cumque sententia, censura, vel poena, &  
habilitando ad talia officia obtinenda: Et  
eodem modo debent esse dispensati, abso-  
luti, & habilitati ad omnia officia omnes  
Fratres illius Provincie, tanquam si novi-  
ter fuisset erecta. Et mortuo, seu deficien-  
te aliquo Definitor ex parte Provincialis  
nominati, nominetur in eius locum P. Fr.  
Joannes de Sousa Confessor, & mortuo,  
seu deficiente aliquo Definitor ex alia par-  
te, nominetur P. Didacus a Conceptione  
Prædicator: Mortuo Custode, seu deficien-  
te, nominetur in eius locum Pater Tho-  
mas a Divo Bonaventura Prædicator: Mor-  
tuo tandem Provinciali nominato, Pater  
dignior (juxta Ordinis statuta) convocet  
Definitorium, eligatque Vicarium Provin-  
cialem ex parte dicti Provincialis, & illi  
concedatur tota auctoritas, quæ per istam  
resolutionem conceditur Provinciali. Et  
quia in illa Provincia non extat alius Pater,  
qui fuisset Provincialis, nisi solummodo Pa-  
ter Simon a Sancta Catharina, qui quidem  
est sententiatus, & ab alia parte exulatus,  
petunt, quod dictus Simon a Sancta  
Catharina declaretur Pater dignior, &  
perpetuus illius Provincie (juxta statuta  
generalia Ordinis.) Et quia hæc concor-  
dia habet pro ultimo fine pacem, & frater-  
nitatem perpetuam inter Religiosos illius  
Provincie; & in illa fuit (tempore contro-  
versie) Vicarius Provincialis per duos an-  
nos P. Christophorus a Conceptione, &  
nunc est in illa alter Vicarius Provincialis,  
scilicet P. Simon a Plagis. Petunt, quod pro  
bono pacis concedatur illis privilegium  
Patrum Provincie, & quod dictus Simon a  
Plagis, quamvis non habeat duos annos  
completos dicti officii, declaretur Pater  
immediatus. Petunt etiam, quod Provin-  
cialis nominatus cum eisdem Patribus, &  
Definitoribus ab ipso convocatis celebret  
Capi-

Capitulum, juxta Ordinis statuta, in quo  
ipse Provincialis præsideat dimidiando om-  
nia officia Provincie tam Guardianorum,  
quam Vicariorum in capite, & Lectorum;  
reponatque Præsidentes in Conventibus,  
quibus primo accesserit. Petunt etiam quod  
concedatur Provinciali nominato facultas  
celebrandi Congr. intermediam, & præsi-  
dendi in illa, & quod triennium numere-  
tur, & computetur a die celebrationis Ca-  
pituli; quamvis Provincialis habeat plenif-  
simam auctoritatem super omnes Fratres,  
& Moniales illius Provincie a die sue no-  
minationis. Et ne Provincia veniat ad sta-  
tum, in quo jam fuit, & nunc est, ad evi-  
tanda scandala, controversias, & rebello-  
nes supplicat, quod si ex aliquo infortu-  
nio, & urgentissima causa Maris, Mortis,  
seu Turcarum, &c. Completo triennio, &  
sex mensibus Commissarius Visitator (a  
Ministro Generali, vel ab Eminentissimo  
Protettore deputandus) ad illam Provin-  
ciam non accesserit, Minister Provincialis,  
& omnes alii Prælati durent in suis officiis  
usque ad adventum ipsius Visitatoris, vel  
alterius suo nomine ad celebrandum Capi-  
tulum, & suffragandum in illo; declaran-  
do non dari casus vacature Provincialis ad  
convocationem dignioris Patris Provincie,  
nisi inter limites triennii, & sex mensum,  
& quod hoc servetur in illa in perpetuum:  
petuntque, quod pro bono pacis illius Pro-  
vincie, nunc non accedat ad illam Visi-  
tator, & quia aliqua Abbatissa fuerunt electe  
a dictis Superioribus suppositis, petunt quod  
mandetur dicto Provinciali, ut illas in suis  
officiis confirmet, quas viderit esse ido-  
neas.

Protector con-  
firmat præsi-  
tam Concor-  
diam.

Hæc superscripta concordia, ut jacet,  
coram me Procuratore Generali totius  
Ord. facta est a RR. Patribus prædictis Fra-  
tre Antonio a Gratia, & Fratre Francisco  
ab Alfio insimul mecum in unum conven-  
ientibus, qui illam, & omnes ejus arti-  
culos, tam seorsim, quam collective tene-  
re, & servare, ut sonant, absque inter-  
pretatione, & facere teneri, & servari ab  
utriusque partis, & totius Provincie Patri-  
bus promiserunt, atque affirmarunt tan-  
quam veram, & communem concordiam,  
& amicam in omnibus pacem, consonam  
Statutis Regularibus, bono Regimini, &  
Regulari discipline, in quorum fidem me-  
cum proprio pugno hanc subscripserunt in  
hoc Conventu Aracclii die 20. Maii 1656.  
Frater Bartholomæus de Villalva Procura-  
tor Generalis Ordinis, Frater Antonius a  
Gratia Minister Provincialis electus, Fra-  
ter Franciscus ab Alfio Procurator par-  
tis. Cujus tenorem cum retulisset Sac-  
re Congregationi, fuit Nobis remissa ex  
alio decreto dato 23. Junii, ut præviderem-  
us quod per dictam concordiam conser-  
vatur quies illius Provincie, & composi-  
tio jurgiorum per tot annos non sine scan-  
dalo Regularium, & Secularium, dolore  
cordis nostri, inhærendo facultatibus  
Nobis competentibus tam uti Protectori,

Correctori, & Governatori dictæ Religio-  
nis, & Provincie, quam vigore rescripti  
dictæ Sacre Congregationis, discussa prius  
dicta Concordia, pensatisque omnibus, &  
singulis illius partibus, & alias omni alio  
meliori modo, quibus melius, & validius  
possumus, & valemus, tenore præsentium  
supplendo omnes, & tingulos defectus, si  
qui, &c. & adiciendo ei omnem firmitatis  
vim, & robur necessarium, & opportunum,  
dictamque concordiam tanquam talem ab  
omnibus, & singulis supradictis Fratribus,  
Monialibus, &c. omnino servari volumus,  
& mandamus generaliter quoad omnes sui  
partes, & specialiter, itaut specialitas gene-  
ralitati non deroget, nec e contra; in omni-  
bus, & per omnia, nihilo penitus excluso pro-  
ut jacent, tanquã bonam, justã, & perutile ap-  
probamus, & confirmamus: etiam respec-  
tu renunciationis quam ibi fecerunt dicti  
Patres de decretis Sacre Congregationis  
& nostris, & in confirmationibus illorum  
a bon. mem. Sanctiss. D. Innocentio X. datis  
pro utraque parte a die completionis  
triennii Patris Simonis a S. Catharina us-  
que ad præsentem diem; & quatenus opus  
ut illa, & illas annullando, & invalidan-  
do, & cassando, tanquam si non fuissent  
concessa, jubemusque in illis perpetuum  
silentium imponere; sive Brevia confir-  
mationis, decreta, & litera patentes per-  
tineant ad electiones, nominationes, pro-  
rogationes, & confirmationes Prælatorum  
ipsius Provincie, sive ad quascumque pri-  
vationes, sententias, suspensiones, & exem-  
ptiones omnium Fratrum illius, tam in  
communi, quam in particulari: & ex con-  
sequenti annullamus omnes tres electiones  
factas in illa a die primæ convocationis Pa-  
tris Didaci a Plagis usque adhuc, & om-  
nes alias, si postea factæ fuissent; & etiam  
invalidamus nominationes a nobis factas  
Provincialis defuncti Fratris Hieronymi  
de Sardoal, Custodis, & Definitorum, &  
confirmationem illorum, revalidamus ta-  
men omnia acta spiritualia facta ab ipsis  
electis, & ab ipso nominato, & defuncto;  
Annullamusque omnes sententias, & pro-  
cessus ab ipsis, vel a quolibet illorum da-  
tas, seu fulminatas, vel processatas, dan-  
das, vel fulminandas, seu processandas  
[ usque ad publicationem harum literarum  
in dicta Provincia, ] contra quoscumque  
Fratres, & Moniales illius, qualiscumque  
qualitatis, & conditionis; & mandamus  
ponere perpetuum silentium in excessibus  
transactis circa obedientiam dictorum Præ-  
latorum, & P. Visitatoris Fr. Antonii a  
Trinitate, & eisdem, quibus supra autho-  
ritatibus nobis commissis [ dimidiando  
mensam capitularem ad compositionem  
Provincie ] nominamus, eligimus, insti-  
tuimus, & declaramus in Ministrum Pro-  
vincialem ipsummet Provincie ipsum Ora-  
torem Patrem Fr. Antonium a Gratia Præ-  
dicatorem, cum omnibus, & singulis po-  
testatibus, autoritatibus, & privilegiis,  
quibus gaudet, & gaudere solent veri, &  
legitimi Provinciales dictæ Nostræ Reli-  
gionis,

gionis. Et ex sua parte in Definitorum P. Fr. Antonium a Salvatore, & P. Fr. Antonium de Padua Prædicatores, & ex alia parte in Custodem P. Fr. Ferdinandum a Conceptione Lectorem Jubilatum, & in Definitorum Patrem Fr. Franciscum a Plagis Prædicatorem, & Patrem Fr. Petrum ab Annunciatione Confessorem pro Recollectis; supplementumque in omnibus, & singulis præmissis quoscumque defectus, tam juris, quam facti, seu personæ, si qui sunt, & c. illosque absolvimus a quacumque sententia, censura, vel poena quavis occasione, & causa lata, seu fulminata contra ipsos, illosque habilitamus ad talia officia obtinenda, & eodem modo dispensamus; absolvimus, & habilitamus ad omnia officia omnes Fratres ipsius Provinciae, tanquam si noviter fuisset erecta; & mortuo, seu deficiente aliquo Definitorum ex parte dicti Provincialis nominati, in ejus locum nominamus, & eligimus Patrem Fratrem Joannem de Sousa Confessorem; & mortuo, seu deficiente aliquo Definitorum ex alia parte, nominamus, & eligimus Patrem Fratrem Didacum a Conceptione Prædicatorem, & mortuo Custode, seu deficiente nominamus, & eligimus in ejus locum, & officium Patrem Fr. Thomam a Divo Bonaventura Prædicatorem. Mortuo tandem Provinciali nominato, Pater dignior (juxta Ordinis statuta) convocet Definitorium, eligatque Vicarium Provinciale ex parte dicti Provincialis, cui concedimus totam auctoritatem, quam per istas literas patentes Provinciali nominato damus. Declaramusque Patrem digniorem, & perpetuum ipsius Provinciae esse P. Fr. Simonem a S. Catharina Sacre Theologie Lectorem (juxta Ordinis Statuta) quia in illa fuit Minister Provincialis: cui subsequuntur illi, qui antea, vel postea fuerunt, seu fuerint Vicarii Provinciales: & pro bono pacis, & tranquillitate ipsius Provinciae concedimus privilegia P. Provinciae P. Fr. Christophoro a Conceptione & P. Fr. Simonem a Plagis, tanquam si vere, & realiter fuissent Vicarii Provinciales legitimi, declaramusque ipsum Simonem a Plagis Patrem immediatum pro celebratione istius proximi Capituli, quamvis non habeat duos annos completos dicti officii, Ministerque Provincialis jam a Nobis nominatus convocabit eosdem Patres, & Definitorum in Cenobio ubi voluerit, ad celebrandum Capitulum Provinciale, & electiones minores, præsidebitque in illo dimidiando omnia officia Provinciae, tam Guardianorum, quam Vicariorum in capite, & Lectorum; cui etiam concedimus in omnibus, & singulis electionibus, determinationibus, & consultationibus votum decisivum in æqualitate suffragiorum; & ut pro interim reponat Præsidentes in Conventibus, ad quos primo accesserit antequam celebret Capitulum. Concedimus insuper dicto Ministro Provinciali facultatem celebrandi Congregationem intermediam, & præsideendi in illa, & licet ha-

beat, sicut habet, plenissimam auctoritatem super omnes Fratres, & Moniales ipsius Provinciae a die istius nostre nominationis, & electionis; tamen volumus, quod tempus sui triennii, & aliorum Prelatorum computetur, & numeretur a die celebrationis Capituli usque ad tres annos continuos, & sex menses: Et ne Provincia ipsa patiatur similes controversias, & rebelliones, ordinamus, & declaramus, quod si ex aliquo infortunio, & urgentissima causa Maris, Mortis, Turcarum, vel ex aliqua alia hic non expressa, & fortasse exprimenda causa, & c. cogitata, & incogitata, & c. a majoritate, & paritate rationis, & c. completo triennio, & sex mensibus Commissarius Visitator (a Ministro Generali, vel a Nobis deputandus) ad illam Provinciam non accesserit, Minister Provincialis, & omnes alii Prælati durent in suis officiis usque ad adventum ipsius Visitatoris, vel alterius suo nomine ad celebrandum Capitulum, & suffragandum in illo, & quatenus ista declaratio, & determinatio sit contra aliquas Bullas Apostolicas ad compositionem, & remedium perpetuum ipsius Provinciae ultramarinae, in illis auctoritate ejusdem Sacre Congregationis (pro hac vice) dispensamus, declaramusque non dari casum vacaturæ Ministri Provincialis ad convocationem dignioris Patris Provinciae, nisi vacatio contigerit inter limites triennii, & sex mensium, volumusque quod hæc resolutio circa continuationem Provincialis, & convocationem dignioris Patris Provinciae observetur in ipsa in perpetuum; ad quam pro nunc (compositionis causa) nolumus, ut accedat Visitator: Et quia in dicta Provincia aliqua Abbatia fuerunt electæ a dictis Superioribus suppositis, jubemus Ministro Provinciali, ut solemni ritu illas confirmet, quas viderit esse idoneas, dispensando cum illis in nullitate suarum electionum: ipsique dicto Ministro Provinciali Patri Fr. Antonio a Gratia a Nobis electo, & nominato ordinamus, & mandamus, in virtute Spiritus Sancti per sanctam obedientiam, ut acceptet suum officium, & ad dictam Provinciam S. Joannis Evangeliste quamprimo se conferat, dictumque suum officium adimpleat, & omnia faciat, & discernat prout in istis nostris literis patentibus illi concedimus, & impertimur, procedendo auctoritate propria, & nostra, Sacreque Congregationis contra rebelles, & inobedientes (si qui fuerint) usque ad interdictionem, carcerem, & exilium perpetuum a dicta Provincia, invocando ad hoc (si opus fuerit) auxilium brachii secularis, in virtute ejusdem S. Obedientiae, & sub poena excommunicationis majoris ipso facto incurrenda Nobis reservata, & omnium officiorum, & inhabilitationis ad alia per decem annos, carceris, exilique a dicta Provincia in perpetuum. Præcipientes vobis omnibus, & singulis dictæ Provinciae Religiosis, & Monialibus, tam Superioribus, quam

Subditis ipsiusmet Provinciae, ut dictum Ministrum Provinciale pro vero, & legitimo Superiore recognoscatis, & obedientiam in omnibus, & per omnia decretis nostris, ac ordinibus, & determinationibus Sacre Congregationis obtemperetis; & specialiter sub eisdem poenis, & privatione actorum legitimorum per decem annos, & omnium privilegiorum præcipimus, & mandamus dicto P. Simonem a Plagis, qui nunc est in actuali gubernio ipsius Provinciae, ut ubi primum dictus Provincialis ad illam accesserit, illi statim conferat sigilla, & libros Provinciae absque ulla mora, illi obediendo tanquam vero, & legitimo Superiori, in omnibus, & per omnia observando, & observari faciendo istas literas nostras patentes compositionis, concordie, electionis, nominationis, & ultima determinationis, non obstantibus quibuscumque decretis, resolutionibus, & statutis dictæ Religionis, ac Constitutionibus, & Ordinationibus Apostolicis in eis appositis, etiam derogatoriis, & derogatoriis derogatoriis, & aliis amplissimis, & quibuscumque aliis cujusvis generis, & speciei in contrarium facientibus, etiam si speciale, & specialissimam expressionem, & mentionem requirerent, quorum tenores, & c. In quorum fidem, & c. Dat. Romæ in Cancellaria Apostol. die 5. Julii 1656. F. Cardinalis Barberinus Protector.

Confirmatio  
Apost.

§. 3. Hinc est quod Nos præmissorum robori, & inviolabili observationi opportune providere volentes, motu proprio, ac ex certa scientia nostra prædictam Concordiam eisdem literis dicti Francisci Cardinalis insertam, ac illius confirmationem, & approbationem, necnon decreta, & ordinationes, aliaque pro ejusdem Concordie observatione, seu alias quomodolibet a memorato Francisco Cardinali, ut præmittitur, facta, ac desuper emanatas literas præinsertas cum omnibus, & singulis quomodolibet contentis in illis Apost. Auctoritate tenore præsentium confirmamus, & approbamus, illisque inviolabilis Apost. firmitatis robur adiciamus, ac omnes, & singulos juris, & facti defectus, si qui in illis quomodolibet intervenerint, supplementus.

Decretum  
inter-

§. 4. Decernentes easdem præsentibus literas firmas, validas, & efficaces existere, & fore, ac illis ad quos spectat, & pro tempore spectabit, plenissime suffragari, & ab illis respective inviolabiliter, & inconcussè observari; sicque in præmissis per quoscumque Judices ordinarios, & delegatos, etiam causarum Palatii Apostol. Auditores, judicari, & definiti debere, ac irritum, & inane si secus super his a quocumque quavis auctoritate scienter, vel ignoranter contigerit attentari.

Contrariis  
derogat.

§. 5. Non obstantibus præmissis, ac constitutis, & Ordinatis Apostol., necnon Ord., ac Provinciae hujusmodi, ipsiusque Provinciae Conventuum quorumcumque, quatenus opus sit, etiam juramento, confirmatione Apostol. vel alia quavis firmitate roborata-

tis, statutis, & consuetudinibus, privilegiis quoque, indultis, & Literis Apostol. eisdem Ord. Provinciae, & Conventibus, eorumque Superioribus, & Fratribus, ac personis quibusvis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, & insertis habentes, illis alias in suo robore permanentibus, ad præmissorum effectum specialiter, & expresse derogamus, ceterisque contrariis quibuscumque.

Dat. Romæ apud S. M. M., sub Anno lo Piscatoris, die 17. Julii 1656. Pontificatus nostri Anno II.

Dat. die 17.  
Julii 1656.  
An. II.

## CXIX.

Jubilæum universale ad implorandam, opem divinam in præsentibus Ecclesiæ necessitatibus.

*Pro tunc Ecclesia necessitatibus imminenti-  
bus Jubilæum indixit Paul. V. Const. 273  
Ecce. Tom. 5. Par. 4. fol. 232., & Con-  
stitut. 292. ibidem fol. 260. Urbani VIII  
& Const. 102. Divinae misericordiae. To. 5.  
Par. 5. fol. 229.*

## ALEXANDER PAPA VII.

*Universi Christiani presentes literas  
inspecturis salutem, & Apostolicam  
benedictionem.*

**E**Suprema militantis Ecclesiæ specula **Causa Jubilei**  
mentis nostre aciem quaquaversum  
intendentes, & assidue Gregis Nobis ex  
alto crediti calamitates attente contem-  
plantes, crebra ex imo corde suspiria, &  
uberis ex oculis lacrymas fundere cogi-  
mur. Cujus enim vel ferreum pectus non  
commoneant hodiernæ Orbis Christiani  
miseriæ? Urget ut cum maxime pertinax  
inter Principes Catholicos bellum, cui  
componendo frustra hætenus visa sunt esse  
humanæ prudentiæ consilia. Ad Orientem  
piissimæ Reipublicæ ditiones decennali bel-  
lo a Turcarum Tyranno infestantur. Exu-  
tus ad Septentrionem Regni sui parte hæ-  
reticorum armis Rex Orthodoxus, neque  
tuti ab eorum odio, & potentia aliorum fi-  
nes. Sævit ad Meridiem dira epidimic lues,  
quæ, & vicinos depopulatur, & huic Urbi  
veræ Religionis capiti imminere videtur.  
Ubique terror, ubique malorum impend-  
entium formido, itaut si unquam, certe  
nunc gravem Domini manum sentiamus,  
flagitiis hominum ejus iram jugiter provo-  
cantibus. Cui placandæ licet privata nostra,  
& aliorum sacrificia, & preces sine inter-  
missione adhibere non desistamus, prom-  
ptius tamen id a Divina misericordia Nos  
consequuturos arbitramur, si nostris om-  
nium Christianidelium orationes, purgatis  
per salutarem veræ poenitentiae medicinam  
a colluvie peccatorum animis, jun-  
gantur

gantur: Clemens est enim, & misericors Deus noster, & propitiatur cunctis invocantibus eum in veritate. Hoc autem, ut fructuosius fiat, & majori cum spiritus ardore peragatur, ex veteri Ecclesia Romana omnium Matris, & Magistræ more ejusdem Ecclesiæ thesauros, quorum Dispensatores a Domino constituti sumus, proferte, & erogare decrevimus.

Ad orandum pro necessitatibus præsentibus hortatur

§.1. Itaque ex parte Omnipotentis Dei Patris, & Filii, & Spiritus Sancti omnes, & singulos utriusque sexus Christianifideles, tam in eadem Alma Urbe nostra, quam extra ubilibet locorum constitutos Apostolica auctoritate paterne requirimus, monemus, & in Domino adhortamur ad infra scripta devote peragendum, & adimplendum, & ad Deum Salvatorem nostrum orandum, ut per viscera misericordiæ suæ fidem Catholicam protegere, ab hostium conatibus, & insidiis defendere, hæresim extirpare, Principibus Christianis pacem, & veram tranquillitatem donare, populos epidemice lue infectos liberare, & cæteros ab ea præservare, aliisque præsentibus Ecclesiæ necessitatibus subvenire dignetur.

Preces, & orationes per Alma Urbem degenibus injungit

§.2. Nos enim de Omnipotentis Dei misericordia, ac Beatorum Petri, & Pauli Apostolorum ejus auctoritate confisi, ex illa ligandi, atque solvendi potestate, quam Nobis Dominus, meritis minime suffragantibus, contulit, universis Christianifidelibus in Alma Urbe prædicta degenibus, qui spatio unius mensis a die data præsentium computandi feria sexta unius hebdomadæ intra dictum mensem decurrendæ jejunaverint, & peccata sua confessis, Sanctis Eucharistiæ Sacramentum reverentier sumperint, & ne ex congressu populi, si aliqua Ecclesiæ, ut moris est, ea de causa visitarentur, contagionis augeatur periculum, domi privatim Rosarium Beatæ Mariæ Virginis, vel septem Psalmos Pœnitentiales cum Litanis, & Orationibus adjunctis devote semel recitaverint, ac ut supra oraverint, & pauperibus aliquam elemosynam, prout unicuique suggeret charitas, erogaverint.

Extra urbem degenibus opera injungit

§.3. Cæteris vero extra Urbem prædictam ubique degenibus, qui in locis ubi nulla omnino epidemice luis suspicio adest (quod prudentiæ Ordinariorum locorum judicandum relinquimus) Ecclesias ab eisdem Ordinariis, vel eorum Vicariis, seu Officialibus, aut de eorum mandato, & ipsis deficientibus, per eos, qui ibi curam animarum exercent, postquam ad eorum notitiam hæc nostræ literæ pervenerint, designandas, vel Ecclesiarum hujusmodi alteram spatio similiter unius mensis, a publicatione designationis per Ordinarios, vel eorum Vicarios, seu Officialia, vel alios, ut præfertur, faciendæ computandi, saltem semel visitaverint, aut ubi lues grassatur, vel ejus adest suspicio, seu contagionis periculum, Rosarium, aut Psalmos præfatos cum Litanis, & orationibus, ut supra recitaverint, & ut præmittitur, oraverint, elemosynam ut su-

pra erogaverint, ac feria sexta unius hebdomadæ intra eundem mensem decurrendæ similiter jejunaverint, pariterque peccata sua confessi, ac Sanctissima Communione refecti fuerint, plenissimam omnium peccatorum suorum Indulgentiam, & remissionem sicut in anno Jubilei visitantibus certas Ecclesias intra, & extra Urbem, concedi consuevit, tenore præsentium concedimus, & largimur. Navigantes vero, & iter agentes, ut cum primum ad sua sese domicilia receperint superscriptis peractis, & visitata Ecclesia Cathedrali, vel majore, aut Parochiali loci eorum domicilii, si inibi Ecclesiæ visitandæ prius designatæ fuerint, alioquin recitatis Rosario, vel Psalmis cum Litanis, & Orationibus præfatis, eandem indulgentiam consequi possint, & valeant.

Regularibus, & impeditis Confessarius opera commutet

§.4. Regularibus autem personis utriusque sexus etiam in claustris perpetuo degenibus, necnon aliis quibuscumque, tam Laicis, quam Ecclesiasticis, secularibus, vel regularibus, etiam in carcere, aut captivitate existentibus, vel aliqua corporis infirmitate, seu aliquo quocumque impedimento detentis, qui supra expressa, vel eorum aliqua præferre nequiverint, ut illa Confessarius ex jam approbatis ab Ordinariis ante præsentium publicationem, seu approbandis, eis in alia pietatis operâ commutare, vel in aliud proximum tempus prorogare possit, eaque injungere, quæ ipsi penitentes efficere poterunt, pariter concedimus, & indulgemus.

Confessarium eligendi facultas

§.5. Insuper omnibus, & singulis Christianifidelibus utriusque sexus, tam Laicis, quam Ecclesiasticis secularibus, & regularibus, cujuscvis Ordinis, Congregationis, & Instituti, tam in Urbe prædicta, quam extra eam ubique locorum, ut præfertur, degenibus licentiam concedimus, & facultatem, ut sibi ad hunc effectum eligere possint quemcumque Presbyterum in Confessarium, tam secularem, quam cujuscvis Ordinis regularem, ex approbatis, ut præmittitur, a locorum Ordinariis, qui eos ab omnibus excommunicationis, suspensionis, & aliis ecclesiasticis sententiis, & censuris, a jure, vel ab homine quavis causa latis, seu inflicis, necnon ab omnibus peccatis, excessibus, criminibus, & delictis quantumvis gravibus, & enormibus, etiam locorum Ordinariis, sive Nobis, & Sedi Apostolica, etiam in lictis die Cœnæ Domini legi solitis contentis, & alias per quascumque nostras, aut Romanorum Pontificum Prædecessorum nostrorum Constitutiones, quarum tenores præsentibus haberi volumus pro expressis, quomodocumque reservatis, in foro conscientie, & hac vice tantum (non tamen a crimine hæresis) absolvere, & liberare valeant. Et in super vota quæcumque (Religionis, & Castitatis exceptis) in alia pia, & salutaria opera commutare, injuncta tamen eis, & eorum cuilibet in supradictis omnibus casibus penitentia salutari, aliisque ejusdem Conf. arbitrio injungendis. Qua-

Ordinat licentiarum ex- sumpta publi- cati.

§.6. Quapropter tenore præsentium, in virtute sanctæ obedientiæ districtè præcipimus, & mandamus omnibus, & quibuscumque Venerabilibus Fratribus Patriarchis, Archiepiscopis, Episcopis, & aliis Ecclesiarum Prælati, ac quibuscumque Ordinariis locorum ubicumque existentibus, eorumque Vicariis, & Officialibus, vel iis deficientibus, illis qui curam animarum exercent, ut cum præsentium literarum transumpta, aut exempla, etiam impressa acceperint, illa statim absque ulla mora, retardatione, vel impedimento per suas Ecclesias, & Dioceses, Provincias, Civitates, Oppida, Terras, & loca publicent, & publicari faciant, Ecclesiamque, seu Ecclesias visitandas ubi, ut præmittitur, id faciendum, judicaverint, designent.

Non intendit per presentes dispensare ex- communicatos &c.

§.7. Non intendimus autem per præsentibus super aliqua irregularitate publica, vel occulta, nota, defectu, incapacitate, seu inhabilitate quoquo modo dispensare, vel aliquam facultatem tribuere dispensandi, seu habilitandi, & in pristinum statum restituendi, etiam in foro conscientie: Neque etiam easdem præsentibus iis, qui a Nobis, & Apostolica Sede, vel aliquo Prælati, seu iudice Ecclesiastico excommunicati, suspensi, interdicti, seu alias in sententias, & censuras incidisse declarati, vel publice denunciati fuerint, nisi intra tempus dicti mensis satisfecerint, aut cum paribus concordaverint, ullo modo suffragari posse, aut debere.

Contraria tollit.

§.8. Non obstantibus Constitutionibus, & Ordinationibus Apostolicis, præsertim quibus facultas absolviendi in certis tunc expressis casibus ita Romano Pontifici pro tempore existentis reservatur, ut nec etiam similes, vel dissimiles indulgentiarum, & facultatum hujusmodi concessionem, nisi de illis expressa mentio, aut specialis derogatio fiat, cuiquam suffragari queant, necnon Regula nostra de non concedendis Indulgentiis ad instar, ac quorumcumque Ordinum, & Congregationum, sive Institutorum regularium, etiam juramento, confirmatione Apostolica, vel alia quavis firmitate roboratis statutis, & consuetudinibus, privilegiis quoque, indultis, & Litteris Apostolicis eisdem Ordinibus, Congregationibus, & institutis, illorumque personis quomodolibet concessis, approbatis, & innovatis. Quibus omnibus, & singulis, etiam de illis, eorumque totis tenoribus, specialis, specifica, & individua, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, illorum tenores præsentibus pro sufficienter expressis, ac formam in eis traditam pro servata habentes, hac vice specialiter, nominatim, & expresse ad effectum præsentium derogamus, cæterisque contrariis quibuscumque.

Transumptum, fides.

§.9. Ut autem præsentibus nostræ, quæ ad singula loca deferri non possunt, ad Bull. Rom. Tom. VII. Par. IV.

omnium notitiam facilius deveniant, volumus, ut earundem præsentium transumptis, vel exemplis etiam impressis, manu alicujus Notarii publici subscriptis, & sigillo personæ in dignitate Ecclesiastica constitutæ munitis ubique locorum, & gentium eadem prorsus fides habeatur, quæ haberetur ipsis præsentibus, si forent exhibitæ, vel ostensæ.

Dat. die 21. Julii 1656. An. II.

Datum Romæ apud S.M. M., sub Anulo Piscatoris, die 21. Julii 1656. Pontificatus nostri Anno II.

C X X .

Deputatio Episcopi Tullen. in Suffraganeum, & Vicarium in spiritualibus, & temporalibus generalem D. Cardinalis de Retz Archiepiscopi Parisien.

Ex Regest. in Secret. Brev.

Ven. Fratri Andrea du Saussais Episcopo Tullen.

A L E X A N D E R P A P A V I I

Ven. Frater salutem, & Apostolicam benedictionem.

§.1. PRO commissa Nobis a Domino omnium Ecclesiarum sollicitudine providere volentes, ne Ecclesia Parisien. propter dilecti filii nostri Joannis Francisci Pauli Gondi S. R. E. Presbyteri Cardinalis de Retz nuncupati ejusdem Ecclesiæ Parisien. ex concessione, & dispensatione Apostolica Præfatus ab illa absentiam aliquod in spiritualibus, & temporalibus detrimentum patiatur, motu proprio, & ex certa scientia nostra, deque Apostolica potestatis plenitudine, Te, de cujus fide, prudentia, integritate, & Catholice Religionis zelo, plurimum in Domino confidimus, ejusdem Joannis Franc. Pauli Cardinalis Præfatus in prædicta Ecclesia Parisien. Suffraganeum, & Vicarium in spiritualibus, & temporalibus generalem cum plena, & libera facultate, & auctoritate Pontificalia, & alia quæ ad hujusmodi Suffraganeatus, & Vicarii Generalis Officia spectant, & pertinent, in Ecclesia, Civitate, & Diocesi Parisien. gerendi, & faciendi, & exercendi, sine ullo tamen quorumcumque jurium ipsius Joannis Francisci Pauli Cardinalis Præfatus præjudicio, tenore præsentium, ad nostrum beneplacitum constituimus, & deputamus.

Deputat. Episcopi Tullen. in Suffraganeum & Vicarium in spiritualibus, & temporalibus &c.

§.2. Volentes, ut statim atque Tu in possessione, seu quasi possessione officiorum Suffraganeatus, & Vicariatus hujusmodi constitutus fueris, quæcumque auctoritas, & jurisdictionis Ministris Tribunalis Ecclesiæ Parisien. prædictæ quomodolibet concessa, cesset, & expiret eo ipso.

Contraria tollit.

§.3. Non obstantibus Apostolicis, ac in Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationi.